


湖廣通志

八十三

藝文賦古辭曲

內閣文庫			
番號	漢	14208	
冊數	100	(	77)
函號	史	130	1





湖廣通志卷之八十三

藝文志

賦

周

風賦

宋玉

楚襄王遊於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此獨大王之風耳庶人安得而共之王曰夫風者天地之氣溥暢而至不擇貴賤高下而加焉今子獨以爲寡人之風豈有說乎宋玉對曰臣聞於師枳句來巢空穴來風其所托者然則風氣殊焉王曰夫風始安生哉宋玉對曰

夫風生於地起於青蘋之末侵淫谿谷盛怒於土囊之口
緣泰山之阿舞於松柏之下飄忽溟滂激颺燥怒眩雷
聲迴穴錯連壓石伐木梢殺林莽至其將衰也被麗披離
衝孔動榘眴煥粲爛離散轉移故其清涼雄風則飄舉升
降乘凌高城入於深宮邸華葉而振氣徘徊於桂椒之間
翱翔於激水之上將擊芙蓉之精飈蕙草離藁蘅繁辛夷
被萸楊迴穴衡陵蕭條衆芳然後倘佯中庭北上玉堂躋
於羅帷經於洞房迴得爲大王之風也故其風中人狀直
慄慄惻惻清涼增歆清清泠泠愈病析醒發明耳目寧體
便人此所謂大王之雄風也王曰善哉論事夫庶人之風
豈可聞乎宋玉對曰夫庶人之風塙然起於窮巷之間堀
堦揚塵勃鬱煩冤衝孔襲門動沙堦吹死灰駭溷濁揚腐
餘邪薄入甕牖至於室廬故其風中人狀直慄慄鬱邑歐
溫致濕中心慘怛生病造熱中脣爲脣得日爲臍陷齟齬
獲死生不卒此所謂庶人之雌風也

漢

弔屈原賦

賈誼

恭承嘉惠兮俟罪長沙側聞屈原兮自沉汨羅造託湘流
兮敬弔先生遭世罔極兮乃隕厥身嗚呼哀哉逢世不祥
鸞鳳伏竄兮鴟梟翱翔闕茸尊顯兮讒諛得志聖賢逆曳
兮方正倒置世謂伯夷謂盜跖廉莫耶鈍兮鈐刀爲
鉞吁嗟嘿嘿兮生之無故幹棄周鼎兮寶康瓠騰駕罷牛

兮驂蹇驢驥垂兩耳兮伏鹽車章甫薦履兮漸不可久嗟
哉先生兮獨罹此咎卒曰已矣國其莫吾知兮獨埋鬱其
誰語鳳縹縹其高逝兮子固自引而遠去襲九淵之神龍
兮沕深潛以自珍偃蜩蟪以隱處兮夫豈從蝦與蛭螾所
貴聖人之神德兮遠濁世而自藏使騏驥可繫而羈兮豈
云異夫犬羊般紛紛其離此郵兮亦夫子之故也歷九州
而相君兮何必懷此都也鳳凰翔於千仞兮覽德輝而下
之見細德之嶮崎兮逕曾擊而去之彼尋常之汙瀆兮豈
能容夫吞舟之魚橫江湖之鱣鯨兮固將制於螻蟻

漢津賦

蔡邕

夫何大川之浩浩兮洪流淼以元清配各位乎天漢兮披

厚土而載形發源自乎嶠冢兮引漾澧而東征納陽谷一
所吐兮兼漢沔之殊名總畎澮之羣液兮演西土之陰精
迤萬山以左廻兮旋襄陽而南榮切大別之東山兮與江
湘乎通靈嘉清源之體勢兮淡澶浚以安流鱗甲育其萬
類兮蛟龍集以嬉遊明珠胎於靈蚌兮夜光潛乎元洲雜
神寶其克盈兮豈魚鼈之足收於是遊目騁觀南援三州
北集京都上控隴坻下接江湖導財運貨貿遷有無既乃
風焱蕭瑟勃焉竝興陽侯沛以奔騫洪濤湧而沸騰願乘
流以上下窮滄浪乎三溟觀朝宗之形兆看洞庭之交會

登樓賦

王粲

登茲樓以四望兮聊暇日以銷憂覽斯宇之所處兮實顯

敞而寡儔挾清漳之通浦兮倚曲沮之長洲背墳衍之廣
陸兮臨臯隰之沃流北彌陶牧西接昭邱華實蔽野黍稷
盈疇雖信美而非吾土兮曾何足以少留遭紛濁而遷逝
兮漫踰紀以迄今情眷眷而懷歸兮孰憂思之可任憑軒
檻以遙望兮向北風而開襟平原遠而極目兮蔽荆山之
高岑路透迤而修廻兮川既漾而濟深悲舊鄉之壅隔兮
涕橫墜而弗禁昔尼父之在陳兮有歸歟之嘆音鍾儀幽
而楚奏兮莊鳥顯而越吟人情同於懷土兮豈窮達而異
心惟日月之逾邁兮俟河清其未極冀王道之一平兮假
高衢而騁力懼匏瓜之徒懸兮畏井渫之莫食步棲遲以
徙倚兮白日忽其將匿風蕭瑟而竝興兮天慘慘而無色

鸚鵡賦

禰衡

獸狂顧以求羣兮鳥相鳴而舉翼原野間其無人兮征夫
行而未息心悽愴以感發兮意忉忉而慚惻循階除而下
降兮氣交憤於胸臆夜參半而不寐兮悵盤桓以反側

其辭曰

惟西域之靈鳥兮挺自然之奇姿體金精之妙質兮含火
德之明輝性辯慧而能言兮才聰明以識機故其嬉遊高

嶮樞跼幽深飛不妄集翔必擇林紺趾丹背綠衣翠衿采
采麗容咬咬好音雖同族於羽毛固殊智而異心配鸞皇
而等美焉比德於衆禽於是羨芳聲之遠暢偉靈表之可
嘉命虞人於隴坻詔伯益於流沙跨崑崙而播弋冠雲霓
而張羅雖網維之備設終一目之所加且其容止閑暇守
植安停逼之不懼撫之不驚寧順從以遠害不違忤以喪
生故獻全者受賞而傷肌者被刑爾乃歸窮委命離羣喪
侶閉以雕籠剪其翅羽流飄萬里崎嶇重阻踰岷越障載
罹寒暑女辭家而適人臣出身而事主彼賢哲之逢患猶
棲遲以羈旅矧禽鳥之微物能馴擾以安處眷西路而長
懷望故鄉而延佇忖陋體之腥臊亦何勞於鼎俎嗟祿命

之衰薄奚遭時之嶮巖豈言語以階亂將不密以致危
母子之永隔哀伉儷之生離匪餘年之足惜愍衆雛之無
知背蠻夷之下國侍君子之光儀懼名實之不副恥才能
之無奇美西都之沃壤識苦樂之異宜懷代越之悠思故
每言而稱斯若廼少昊司晨蓐收整轡嚴霜初降涼風蕭
瑟長吟遠慕哀鳴感類音聲悽以激揚容貌慘以顛顛聞
之者悲傷見之者隕淚放臣爲之屢歎棄妻爲之獻歔感
平生之游處若壘篋之相須何今日之兩絕若秦越之異
區順籠檻以俯仰闔戶牖以踟躕想崑山之高峻思鄧林
之扶疏顧六翮之殘毀雖奮迅其焉如心懷歸而弗果徒
怨毒於一隅苟竭心於所事敢背惠而忘初託輕鄙之微

命委陋賤之薄軀期守死以報德甘盡辭以效愚特隆恩
於旣往庶彌久而不渝

晉

江賦

郭璞

咨五才之並用實水德之靈長惟岷山之導江初發源乎
濫觴聿經始於洛汭攏萬川乎巴梁衝巫峽以迅激躋江
津而起漲極泓量而海運壯滔天以淼茫摠括漢泗兼包
淮湘并吞沅澧汲引沮漳源二分於岷峽流九派乎潯陽
鼓洪濤於赤岸淪餘波乎柴桑網絡羣流商權涓澮表神
委於江都混流宗而東會注五湖以漫漭灌三江而澎湃
漫汗六州之域經營炎景之外所以作限於華裔壯天地

之險介呼吸萬里吐納靈潮自然往復或夕或朝激逸勢
以前驅乃鼓怒而作濤峨嶠爲泉陽之揭玉壘作東別之
標衡霍磊落以連鎖巫盧嵬崩而北嶠協靈通氣瀆蔣相
陶流風蒸雷騰虹揚霄出信陽而長邁淙大壑與沃焦若
乃巴東之峽夏后疏鑿絕岸萬丈壁立赧駭虎牙喋豎以
屹萃荆門闕竦而盤礴圓淵九廻以懸騰溢流雷响而電
激駭浪暴灑驚波飛薄迅復增澆洄湍疊躍砢巖鼓作瀾
濤衆潏潏滂漫漭激瀆濺洩郭滂湟沕決灤潤澗淪旋環榮
滄漫漶瀆瀑漫滅濫湏龍鱗結絡碧澗漚而往來巨石砢
砢以前却潛演之所汨漚奔湑之所俠錯厓隙爲之泐崿
倚嶺爲之崿嶠幽澗積咀砢砢確若乃曾潭之府靈湖

之淵澄淡汪沆滌混因沍泓沍澗淖潏潏潏潏混潏潏
流映揚媚溟濛渺洄汗汗泅泅察之無象尋之無邊氣滂
渤以霧杳時鬱律其如烟類胚渾之未凝象太極之構天
長波浹滌峻湍崔嵬盤渦谷轉浹濤山頽陽侯破礮以岸
起洪瀾澗演而雲迴沍淪淪淪乍浥乍堆礮如地裂豁若
天開觸曲厓以縈繞駭奔浪而相礮鼓唇宿以潮渤乃溢
湧而駕隈魚則江豚海稀叔鮪王鱣鰭鯨鯢鯢鯢鯢
或鹿豕象鼻或虎狀龍顏鱗甲錯錯煥爛錦斑揚鱗掉尾
噴浪飛涎排流呼哈隨波遊延或爆采以晃淵或嚇鰓乎
巖間介鯨乘濤以出入鰲鰲順時而往還爾其水物怪錯
則有潛鵠魚牛虎蛟鉤蛇輪蟬蠶蠟鱉鼉鼉鼉王玃海月

土肉石華三螻蝦江鸚螺蜃蜃蜃蜃蜃蜃蜃蜃蜃蜃
如渠洪蚶專車瓊蚌晞曜以瑩珠石蚌應節而揚葩蜃蟄
森裒以垂翹元螭磈礫而喂礮或泛激於潮波或混淪乎
泥沙若乃龍鯉一角奇鰓九頭有鼈三足有龜六眸鱗蜃
肺躍而吐璣文魴磬鳴以孕珍僂蟪拂翼而掣耀神蜈蚣
輪以沈遊驛馬騰波以噓蹀水兕雷咆乎陽侯淵客築室
於岩底鮫人構館於懸流電布餘糧星離沙鏡青綸競糾
縉組爭映紫菜熒奕以叢被綠苔鬚鬚乎研上石帆蒙籠
以蓋嶼萍實時出而漂泳其下則金礦丹礫雲精燭銀瑒
珣璿瑰水碧潛瑤鳴石列於陽渚浮磬肆乎陰濱或頽彩
輕連或焞曜崖隣林無不潯岸無不津其羽族也則有晨

鳴天鷄鵠鷺鷥鷗鴈陽鳥爰翔於以元月千類萬聲自相喧
聒濯翮疏風鼓翅翻翅揮弄灑珠拊拂瀑沫集若霞布散
如雲豁產氍積羽往來勃碣檣杞植薄於溥淡楊榷森嶺
而羅峰桃枝簣簴實繁有叢葭蒲雲蔓櫻以蘭紅揚暘眊
擢紫茸蔭潭隄被長虹繁蔚芳離隱藹水松涯灌芊蕖潛
薈葱龍鯨鯢踣踣於垠廉獮獮睽睽乎廢空迅蛭臨虛以
騁巧孤攫登危而雍容夔狝翹陸於夕陽鴛鴦弄翮乎山
東因岐成渚觸澗開渠激壑生浦區別作湖磴之以滌瀝
渌之以尾間標之以翠翳泛之以遊菰播匪藝之芒種挺
自然之嘉蔬鱗被菱荷攢布水蘋翹莖藻蘩濯穎散裹隨
風猗萎與波潭池流光潛映景炎霞火其旁則有雲夢雷

池彭蠡青草具區洮滈朱漣丹灤極望數百沆瀣晶滌爰
有包山洞庭巴陵地道潛達傍通幽岫窈窕金精玉英瑱
其裏瑤珠怪石琤其表颺蚪摻其址稍雲冠其嶸海童之
所巡遊琴高之所靈矯冰夷倚浪以傲睨江妃含嚔而聯
耿撫淩波而鳧躍吸翠霞而天矯若乃宇宙澄寂八風不
翔舟子於是撈掉涉人於是槩榜漂飛雲連舳舻舳舻相
屬萬里連檣汴澗沿流或漁或商赴交益投幽浪竭南極
窮東荒爾乃頽秀覆於清旭覘五兩之動靜長風颺以增
扇廣莫颺而氣整徐而不颺疾而不猛鼓帆迅越超漲截
澗淩波縱施電往杳冥霽如晨霞孤征耿若雲翼絕嶺倏
忽數百千里俄頃飛廉無以晞其蹤渠黃不能企其景於

是蘆人漁子擯落江山衣則羽褐食惟蔬鱸荷澱爲泮夾
深羅筌涌灑連鋒冒鬐比船或揮輪於懸碣或中瀨而橫
旋忽忘夕而宵歸詠採菱以叩舷傲自足於一嘔尋風波
以窮年爾乃域之以盤巖豁之以洞壑疏之以淹汜鼓之
以朝夕川流之所歸湊雲霧之所蒸液珍怪之所化產傀
奇之所窟宅納隱淪之列真挺異人乎精魄播靈潤於千
里越岱宗之觸石及其譎變儵恍符祥非一動應無方感
事而出經紀天地錯綜人術妙不可盡之於言事不可窮
之於筆若乃岷精垂曜於東井陽侯遯形乎大波奇相得
道而宅神乃協靈爽於湘娥駭黃龍之負舟識伯禹之仰
嗟壯荆飛之擒蛟終成氣乎太阿悍要離之圖慶在中流

而推戈悲靈均之任石嘆漁父之權歌想周穆之濟師驅
八駿於龍鼉感交甫之喪珮慙神使之嬰羅煥大塊之流
形混萬盡於一科保不虧而永固稟元氣於靈和考川瀆
之妙觀實莫著於江河

南北朝

臨楚江賦

謝朓

爰自山南薄暮江潭滔滔積水裊裊霜嵐憂與憂兮竟無
際客至行兮歲已嚴爾乃雲沉山岫風動中川馳波鬱素
駭浪浮天明沙宿莽石路想懸於是霧隱行鴈霜耿虛林
迢迢落景萬里生陰冽攢笳兮極浦弭蘭鷁兮江濤奉玉
樽之未暮宸勝賞之芳音願希光兮秋月庶永照於遺簪

唐

登故宜城賦

蕭穎士

丙申歲避地襄陽見召掌節度書記陪幕府源公

赴江陵作

升彼墟兮遐眺荆江邇矚樊沔頽施以隱嶙歆缺而嵯峨
野茫茫其靡極何人戶之單歎悵青春兮始交又白日兮
其晚悲世事之艱阻慨征途之未返憑寒臯以盡目窅林
莽之深淺烟廻起於殘燎烏羣飛於絕巘曾是感時而應
舊孰不酸辛而僂俛也矧乎寓縣乖刺關河阻遏去枌榆
兮地表離骨肉兮天末涕橫墮以若注懷永痛其如割悠
悠蒼天不日不月曷其有佑撫艱勤之此土偶四海而承

平方神武之君臨尚未遑於戢兵警山戎之外虞重燕伐
之專征罄帑藏之實窮千甲之精陸隘幽冀水填滄溟其
爲盛也入師長於庶僚出董率於連城豕婦降於王姬餘
子超乎正卿睚眦則浹日誅鉏攀附則累歲尊榮玉帛車
輿鐘鼓臺亭煥赫而鏗錡三十年中初不戒其滿盈終大
都之偶國逸漏網之奔鯨潰亂河淇虔劉汴滎覆東洛隳
陝堦抗靡堅陣守無完營呼吸三旬遂至上京燿燧燭於
王宮潼關爲之晝局暨而將吏逋竄蒸民駭散奔騰郡邑
空閭閻開荒涼我汝潁牢落我雕煥傳置載馳於商鄧兵
符薦集於淮漢彼邦畿之尹守藩牧之垣翰莫不光膺俊
選踐履清貫榮利益乎姻族繁華恣其侈翫或拘囚就戮

或胥附從亂會莫愧其愚懦又奚聞於殉難者乎昔先王之經國仗文武之二事苟茲道之不墜實經天而緯地邦可得而理禍亂無從而至今執事者反諸而儒書是戲蒐狩鮮備忠勇翳鬱澆風橫肆蕩然一變而風雅殄瘁故時平無直躬之吏世難無死節之帥其所由來者尚矣不其哀哉變之始也予旅於淇園初提挈而南奔崩波滑臺逼迸夷門亡車徒於鼎城擯圖籍於輶轅背維嵩遵汝濱廻環乎郊葉飄泊乎穰宛嗟歲聿之云暮結窮陰之涸涸野蕭條以罕人盜充斥以盈路微奔走之僕御有啼呼之幼懦川層冰而每涉塗積雪而猶步晝今夜兮曾莫解於馳驚惟寢與食曷常忘於恐懼畧南鄉之左鄙凌北津之

勁渡偉夫峴首之爲鍾也峻偶百雉危薨萬井森松篁之蒼蔚劃鄺街以周整前山榮依而秀拔斜漢杳映以清廻杭徐蔗橘雜荆衡之蓄桑麻黍粟伴冀魏之境漢之盛也移南國之冠蓋晉之衰也爲北門之捍屏今方獄之仁明惠久要於平生幸羈旅而獲宥旋載筆於戎旌陪後車乎南紀儼四牡以專征歷隕墮而訊諸乃楚鄢之遺城昔漢皇之標季問諸侯之釋位聞景升之是牧歎興廢於茲地其後綏懷勁楚抗折強魏雄九域以高視爲一方之所庇亦謀猷所賴而致也於是寇盜蜂聚生民失土賢雖避世才亦擇主有卧龍之奇英視江漢而胥宇遭劉后之側席聿疇咨於草莽若游魚之在水尚三顧而後語其始也亦

將稜威漢沔用武荆楚俟時觀釁終然義舉然後包并河
洛盪滌陳汝迎帝配天不失厥序既中流之顛覆故宏筭
而乖阻信雲長之寡謀亦天命之弗與猶復廓邛峨之險
奮資漢之旅鋪敘隴阨震懾關輔致中原於肝食振衰漢
之遺緒沈沈乎俾千祀而景慕宜其易名於忠武不其偉
歟方其躬耕漢渚獨詠梁甫輕夫管樂莫之云許伊唱高
而和寡亦惆悵於前古道不同不相爲謀斯之謂矣荆雲
兮蔽虧朔鴈兮差池雲有迴兮鴈有歸嗟予行兮愴遲遲
諒窮愁兮莫諼雖九醞兮奚施

楚望賦

劉禹錫

予既謫於武陵其地故郢之裔邑與夜郎錯繫乎天者陰

伏陽驕繫乎人者風巫氣麻是以囂霧浮浮利於樓居城
之麗譙實隣所舍四垂無蔽萬景全入因道其遠邇所得
爲楚望賦云翼軫之野祝融司方陰迫而專專實生沚天
濡而冱土洩而泥氣罕淑清兮淫氛曛曛中人之體兮爲
瘥爲瘵以曠滌煩兮利居高於物外我卜我居於城之隅
宛在藩落麗譙渠渠四阿垂空桐戶發樞眸子不運坐陵
虛無歲更周流四極慘舒萬象起滅森來貺予櫺軒之外
羣山龍從崗陵靡陀勢若相拱出雲見恠窈蔚森聳夕露
朝霞望如飛動簷廡之下大江瀕動支流合輸泄入雲夢
羲和望舒出沒兩涯涵泳之族聲取戾呀秋水灌盈凝石
飄沙流枿軒昂舞於盤渦逮及收潦澹如醪醕白石磷磷

倒影羅生蘋末風起有文無聲悠遠烟綿與宮蒼然湘沅
之春先令而行膈月寒盡溫風發榮土膏如濡鳥鳴嚶嚶
三星曉其曉中植物颯以飄英雲歸高唐草蔽洞庭目與
天盡神將化并圓方相函遊氣杳冥熙熙霽霽藻飾羣形
枿樹同立積空凝清環洲曲塘含景曜明恢良之氣發於
春季涉夏如錄逮秋愈熾土山焦熬止水漫沸翔禽跼墮
呀喙垂翅矚赫歆蒸陽極召陰二儀交精下上相歆雲興
天際欬若車蓋凝鹽未瞬彌漫霏霽驚雷出火喬木糜碎
殷地藝空萬天皆廢懸雷縋縋日中見沫移晷而收野無
完塊少陰之中景物澄鮮丹葉星房燭耀川原夕月既望
曜於丹泉上鏡下水前塵濯烟宿麗潛芒獨行高躔皓一

氣之悠悠潔有形而溢清元杳微明以斐亶想遊目於化
先夜無朕以徂征金霞暈乎海壖明星方揚斜漢西懸璿
柄如墮半沉層瀾鷄啁嘶而晨鳴今日荏苒以騰晶動植
瞻兮已分山川鬱乎兮不平復人寰之誼卑洵浩浩其營
營追向時之景光不可驟得以再更意華胥之夢還猶彷彿
像而馳情日次於房天未降霜百卉猶澤水泉收脉故道
殷削衍為廣斥水禽嬉戲引吭伸翮紛驚鳴而決起捨采
舉於砂磔時維北風振槁揚埃蕭條邊聲與鴈俱來寒氛
委積萬竅交激楚雲改容飛雨凝滴灑淋通響淅瀝梢械
飛電照雪以騰光柔蔬傲霜而透圻躔次殊氣川谷異宜
民生其間俗鬼言侏招三閭以成謠德伏波而構祠投粃

糴以鼓餓拳鱸魴而如蟻蟠木靚深孽妖憑之祈年去厲
於蠲敬賦擊鼓肆筵河旁水渚薦誠致祝却落躩踞渚居
蠶食大沱水物罟張餌陷不可遁伏顯舉潛緹晝撞夜觸
設機沉深如拾於陸彼遊鱖之瑣類咸跳脫於窘束雖三
趾與六臂時或加乎一目亦有輕舟軒輊泛浮拖綸往復
馴鷗相逐暮夜澄寂嘯歌羣族儕音俚態幽怨委曲逗踈
析於江坂引哀猿於山木巢山之徒採木開田灼龜伺澤
兆石而噬鬱攸起於巖阿騰絳氣而蔽天熏歇雨濡穎垂
林顛倒天和而藉地勢諒無勞而有年罷士閑人逸爲末
作求金渚淡淘汰灑潯流注潰沱繁光熠燿貪賈來貿發
於懷握無翼而飛潤於豐屋晒耕耘之悒悒徒胼胝以副
鞠我處層軒日星廻還閱天數而視民風百態變見乎其
間非耳剽以臆說兮固幽求而縱觀觀物之餘遂觀我生
何廣覆與厚載豈有形而無情高莫高兮九閭遠莫遠兮
故園舟有楫兮車有轄江山坐兮不可越吾又安知其所
如悅臨高以觀物

宋

黃楊樹賦

歐陽修

夷陵山谷間多黃楊樹予江行過絕險處時時從
舟中望見之鬱鬱山際有可愛之色獨念此樹生
窮僻不見依君子封殖憐愛賞而樵夫野老又不
知甚惜作小賦以歌之

若夫漢武之宮叢生五柞景陽之井對植雙桐高秋羽獵之騎半夜嚴粧之鐘鳳蓋朝拂銀牀暮空固已歲華近日的皪含風婆娑萬戶之側生長深宮之中豈知綠蘇青苔蒼崖翠壁枝蓊鬱以含霧根屈盤而帶石落落非松亭亭似柏上臨千仞之盤礴下有驚湍之瀆激澗斷無路林高隳色偏依最險之處獨立無人之跡江已轉而猶見峯漸回而稍隔嗟乎日薄雲昏烟霏霧滴負勁節以誰賞抱孤心而孰識徒以竇穴風吹陰崖雲積山鳥之嘲晰裊驚猿之寂歷無遊女兮長攀有行人兮暫息節既晚而愈茂歲已寒而不易乃知張騫一見須移海上之根陸凱如逢堪寄隴頭之客

赤壁賦

蘇軾

壬戌之秋七月既望蘇子與客泛舟遊於赤壁之下清風徐來水波不興舉酒屬客誦明月之詩歌窈窕之章少焉月出於東山之上徘徊於斗牛之間白露橫江水光接天縱一葦之所如凌萬頃之茫然浩浩乎如憑虛御風而不知其所止飄飄乎如遺世獨立羽化而登仙於是飲酒樂甚扣舷而歌曰桂棹兮蘭槳擊空明兮泝流光渺渺兮予懷望美人兮天一方客有吹洞簫者倚歌而和之其聲嗚嗚然如怨如慕如泣如訴餘音嫋嫋不絕如縷舞幽壑之潛蛟泣孤舟之嫠婦蘇子愀然正襟危坐而問客曰何爲其然也客曰月明星稀烏鵲南飛此非曹孟德之詩乎西

望夏口東望武昌山川相繆鬱乎蒼蒼此非孟德之困於
周郎者乎方其破荊州下江陵順流而東也舳艫千里旌
旗蔽空酾酒臨江橫槊賦詩固一世之雄也而今安在哉
況吾與子漁樵於江渚之上侶魚鰕而友麋鹿駕一葉之
扁舟舉匏樽以相屬寄蜉蝣於天地渺滄海之一粟哀吾
生之須臾羨長江之無窮挾飛仙以遨遊抱明月而長終
知不可乎驟得託遺響於悲風蘓子曰客亦知夫水與月
乎逝者如斯而未嘗往也盈虛者如彼而卒莫消長也蓋
將自其變者而觀之則天地曾不能以一瞬自其不變者
而觀之則物與我皆無盡也而又何羨乎且夫天地之間
物各有主苟非吾之所有雖一毫而莫取惟江上之清風

與山間之明月耳得之而爲聲目遇之而成色取之無禁
用之不竭是造物者之無盡藏也而吾與子之所共適客喜
而笑洗盞更酌脩核既盡杯盤狼籍相與枕藉乎舟中不
知東方之既白

後赤壁賦

蘓軾

是歲十月之望步自雪堂將歸於臨臯二客從予過黃泥
之坂霜露既降木葉盡脫人影在地仰見明月顧而樂之
行歌相答已而嘆曰有客無酒有酒無肴月白風清如此
良夜何客曰今者薄暮舉網得魚巨口細鱗狀如松江之
鱸顧安所得酒乎歸而謀諸婦婦曰我有斗酒藏之久矣
以待子不時之需於是攜酒與魚復遊於赤壁之下江流

有聲斷岸千尺山高月小水落石出曾日月之幾何而江山不可復識矣予乃攝衣而上履巉巖披蒙茸踞虎豹立虬龍攀栖鶻之危巢俯馮夷之幽宮蓋二客不能從焉劃然長嘯草木震動山鳴谷應風起水湧予亦悄然而悲肅然而恐凜乎其不可久留也反而登舟放乎中流聽其所止而休焉時夜將半四顧寂寥適有孤鶴橫江東來翅如車輪元裳縞衣戛然長鳴掠予舟而西也須臾客去予亦就睡夢一道士羽衣翩跹過臨臯之下揖予而言曰赤壁之遊樂乎問其姓名俛而不答嗚呼噫嘻我知之矣疇昔之夜飛鳴而過我者非子也耶道士顧笑予亦驚悟開戶視之不見其處

洞庭賦

夏侯嘉正

惟楚之南有水曰洞庭環帶五郡森不知其幾百里披襟而觀之則翼然動促然跂慄然駭愕然眙恍然駕春雲而軼霓浩若浮汗漫而朝躋退若劇秦山之安進若履千仞之危情若無識炯若通微跛若不倚蹠若將馳耳不及掩目不暇移情悸心嬉二三日而後神始宅氣始正若此不敢以賦爲事者二年然眷眷不已一日登榮邱望大澤有雲崒兮興歎兮止興止未霽忽若有遇由是漬陽輝沐芳澤觀一異人於巖之際霞爲裙雲爲袂冰膚雪肌金環玉佩浮邱羨門斯實其對因言曰若非好辭者耶曰然然則若智有所不通識有所不窮而循乎無端之紀若無殆乎

又曰然然志極則物應思精則道通嘉若之勤無譁無談
昔爲若稱云太極之生日地曰天中含五精五精之用而
水居一焉水之疏通則爲江兮遠則爲河積則爲滯兮總
則爲湖若今所謂洞庭者傑立而孤廓然如無區其大無
徒舍陽宇陰元神之都曖曖昧昧百川不敢逾有若神者
有若賓者有若僕者有若子者有若附庸者有若娣姒者
若禹會塗山武巡牧野于同百會紛處麾下六合澄靜中
流廻睨莽莽蒼蒼纖靄不翳太陽望舒出沒其間萬頃咸
沸強而名之爲巨澤爲長川爲水府爲大淵縱之不踰跼
之不卑乍若賢人以重自持誘之不前犯之愈堅又若良
將以謀守邊澎澎潏潏浩爾一致又若太始未有名義冲

冲漠漠二氣交錯又若混沌凝然未鑿此乃方輿之心胸
溟海之郭廓也三代之前其氣濩落浩浩滔天與物廻薄
滅木襄陵無際無廓二帝降鑒巨人斯作乃命元夷投禹
之機隧山湮谷滌源暢微然後若金在鎔若木在工流精
成器夫何不通是澤之設允執厥中旣與其性遂得其正
有升有降有動有靜曰升降動靜可得聞乎曰水之性非
圓非方非柔非剛非直非曲非元非黃劃象爲坎本乎義
皇外婉而固內健而彰降而復垢升而復張其靜處陰其
動隨陽六府之甲萬化之綱式觀是澤乃知天常乃若四
序之變九夏攸處烘然而炎沸然而煮羣物鴻洞爍爲隆
暑澤之作欣然其容若去若住若茹若吐靈趨怪覲杳不

可觀蒸之爲雲散之爲雨倏忽萬象如還太古真可嘉也
若乃秋之爲神素氣清泚肅肅脩脩羣籟四起澤之動黝
然其姿若挺若倚若行若止與宮離離爲之騰風蒼梧崇
崇爲之俱雲四顧一色黯然氤氲其聲瀾瀾若商非商若
徵非徵東溟海門一浪五千里又足畏也言其狀則石然
而骨岸然而革蒸然而榮澤然而脉有山而心有洞而腹
有玉而體有朱而目窮鼻孤島呀口萬谷臂帶三吳足跬
荆巫或跂然而望或翼然而趨彭蠡震澤詎可云乎曰澤
之態已聞命矣水之族將何如曰大道變易或文或質沉
潛自遂其類非一或被甲而遁或曳裙而圓或禿而跋或
角而蜿或吞而呀或呿而牙或心以之蟹或目以之蝦或

修臂而攘或橫鶩而疾或髮於首或髯於肘或儼而莊或
殺而黝彪彪玢玢若太虛之含萬彙各循其生而合於羣
者也曰若神之資其品何如神曰清矣靜矣麗矣至矣邈
難知矣肇於古有所未達形於今有所未察非希非夷合
其心於自然然後上天入地三根六况水居陸處夫何不
燭彼鯨鯉之賢轡龍之仙乃吾之肩也其餘海若天吳陽
侯神胥齟齬而遊會不我儔臣又問曰易稱王公設險是
澤之險可以爲固而歷代興衰其義安取曰天道以順不
以逆地道以謙不以盈故治理之世建仁爲旌聚心爲城
而弧不假弦矛不假鋒四海以之而大同何必恃險阻據
要衝若秦得百二爲帝齊得十二爲王其山爲金其水爲

湯守之不義歟然而忘水不在大恃之者敗水不在微怙
之者危若漢疲於昆明桀困於酒池亦其類也故黃帝張
樂而興三苗棄義而傾則知洞庭之波以仁不以亂以道
不以賊惟賢者觀之而後得也於是盤桓徙倚凝精流視
鑒以辭對倏然而晦

風雩亭賦

張 棧

眷岳山之回隩有絃誦之一宮鬱青林兮對起皆絕壁之
穹窿獨樵牧之往來委榛莽其蒙茸試芟夷而下視翕衆
景之來宗擢連娟之修竹森偃蹇之喬松山靡靡以旁圍
谷窈窕而潛通翩兩翼兮前張擁千麾兮後從帶游江之
浮綠矗遠岫兮橫空何地靈之久闕昉經始乎令公况棟

宇之弘開列闌楯之周重撫勝槩以獨出信茲山之有逢
予揆名而諏義爰遠取於舞雩之風昔洙泗之諸子侍函
丈以從容因聖師之有問各聽陳其所表獨點也之操志
與二三子兮不同方舍瑟而鏗然諒其樂之素充味所陳
之紆餘夫何有於事功蓋不忘而不助亦何始而何終於
鳶飛而魚躍實天理之中庸覺唐虞之遺烈儼洋洋乎日
中爲夫子之所與豈虛言之是崇嗟學子兮念此邇千載
以希踪希蹤兮奈何盍務勉乎敬恭審操舍兮斯須凜戒
懼兮冥濛防物變之外誘遏氣習之內訐浸私意之脫落
自本心之昭融斯昔人之妙旨可實得於予躬循點也之
所造極顏氏之深工登斯亭而有感期用力於無窮

浯溪賦

楊萬里

予自二妃祠之下故人亭之傍招招漁舟薄遊三湘風與水兮俱順未一瞬而百里歛兩岸之際天儼離立而不倚其一怪怪奇奇蕭然若仙客之鑑清漪也其一蹇蹇諤諤毅然若忠臣之蹈鼎鑊也怪而問乃浯溪也蓋唐亭在南嶓臺在北上則危石對立欲落下則清潭無底而正黑飛鳥過之不敢立迹余初勇於好奇乃疾趨而登之挽寒藤而垂足照衰容而下窺余忽心動毛髮森豎乃蹟故步還至水滸削苔讀碑忼慨弔古已而舟人告行秋日已晏太息登舟水駛於箭回瞻兩岸江蒼茫而不見

明

嶽麓賦

吳愉

龐洪啟維絡序陰陽根頂趾隸灝漭六虛端表四極丹宅暑門銓德鈞物叅和望濤霍副納廣莫宕海日七十二候以緯旋三百餘紀而經度匹軫宿之中央枕湘流而南顧三峯天外艷碧落之青蓮卷石巖巔嵌瑤穹之茵褥牛金霧以肱腴馬赤雯而跽踈修圭秀谷元虎擁麾朝霞暮雲朱禽翔伏苞符何代明德蒼文靈傑有因闢丞名宿若夫彼岸俶登夷庚示履烟茗芋而絡達花介紹而入室游竜唐英飛螭漢儼階恍天升棖縣日綺河海漾瞻斗辰喬颺竜炙凜光鳳明式儀雨香一山風春四几洞洞屬屬嗎嗎嚶嚶碧翁奎肇素臣岑起再月求嚶歷霜襲芷叟交離以

撼空孫林於而被凡仙少礪石廩之雲山鬼詫赤文之紀
位尸六以時陳經垂五而波瀾渠蘭汎兮九鬟并華滋而
百藥吾師乎吾師乎靜一以造兮峻極而道兮平而崎顯
而奧閣珠吐寺屋金流杲參橫天尺壯於素王之居月範
丰華賁於杏壇之老松門寂而花雨冥黃烟冷而仙巢杏
鶴陰逸響的三絕於葱林鴻陸衍亨榜九河之紺藻山高
水長風挹道鄉妖靖醜假志壹聲顏儀綜旅整文皓武
莫待誰綏莫辨誰昌踏蔚藍兮闔闔排凌瑤碧兮河山推
新新日與習習時偕可誦可絃可枕可漱可詠可觸可獨
可聚昂樞房較易以無方虹渴日睨涉焉成趣綵綯林華
勻敷赤幘黛霏野秀軟舞輕綃潭影煙光而素寂鳥更谷

漏以蕭騷或中麗而景匿亦深暝而旭昭四時之朝暮也
晴曛自醉治淡微嫵流歌更度簇繡遞然清風故人綠雨
酣眠翠空飛濕竿曉亭煙屢癰誕曠巒穉靚娟濤颺蕭壑
鑑冷泓川雲氣生衣石籟疊絃瀑絲幻雪粟肌翻炎朝暮
之四時也閑流洞口蒼狗素衣細縷絳腰嬰第白蜺響落
自天鐘磬木魚幽越姿生入座香光野馬妍獬泉發林梢
樹薺平楚

此處文義疑有闕謬

閣支仙掌火連霞域熊館

封蜃虎門遊鹿瑟瑟紅紅琅琅汨汨翻銀倒景翕絲亮竹
蒼綴山巾紋披水縠嵐帚開青風梭織綠松鬣梵冷泉乳
香勃羅女團蔭雲卿敞幕不月澄明無風肅穆友石丈樂
禽魚賓遊妹侶樵牧長嘯山靈寤歌思服節彼南山尾茲

大麓首出克承始功有卒振宗風於名勝微斯人其誰屬

後東山草堂賦

李東陽

東山居士再自京師而歸也乾清坤寧風恬日熙山將水
迎鶴忻猿嬉感萬類之成遂嗟行樂之及時卸驚颿於陸
海解故繫於天羈爾其雨過湖平涼生秋杪心送池波背
決飛鳥稅駕乎九達之衢振衣乎千仞之表倏雪開而霧
散豁塵夢之初曉覽宇宙之無窮逮吾生之未老非遯跡
以遺世聊閉關而却掃客有剥啄之聲徹於戶內者居士
曰子其誰哉客曰曩昔之歲過君之門而聞繡服荷衣之
歌而去者也乃與之坐而語曰子之不相聞者九年於是
矣茲者惠然過我其有謂也耶客曰昔子之來也韋裳布

裘以木石爲羣與漁樵者遊爾往我還爾歌我酌自君之
出矣衣錦食肉駟馬高蓋朱丹其轂奔走屬吏控制藩服
絕我跡於雲泥貴爾音於金玉幸逸足之可攀庶前盟之
有續云爾居士曰噫噓噓是誠何心哉當夫事劇嶺海志
移山林觸炎埃之勃鬱歷遠道之崎嶇身有所不敢潔口
有所不得啗詔使沓至天威載臨奮疲庸於鞭策起廢疾
於呻吟固欲趣嚴裝以赴召向國門而拄簪及乎預運帷
之密命承側席之虛襟責負山重恩同海深思趙宣之假
寐惜陶侃之分陰已而抱號弓之往恨聽擊壤之新音閱
寒暄之代謝懷止足之規箴懼血氣之既衰爲富貴之所
淫詠今之不能爲昔猶夫昔之不能爲今也客撫然久之

日吾儕細人朝餐夕餐觀山而不窮其巔望水而不極其源以皦皦爲能以子子爲難寧獨知大羹不調大玉不琢招之而莫致其來撓之而不見其濁此賢者之不可測也信斯言之則然遂爲之歌曰楚之水兮荆山望美人兮不還翩然兮歸來躡岵岵兮弄潺湲彼世間兮何物吾之樂兮吾天又歌曰桂棟兮蘭房君歸來兮此堂山可履兮水可航彼胡爲兮天一方歸來歸來兮樂不可極願從子兮倘伴居士莞爾而笑曰今日何日故吾今吾出我處我天乎人乎呼我者應以爲馬愛人者必及其鳥疑我何深見我何粗獨斯堂之在山終不改於厥初不俛仰與世而推遷不趨諾隨時而變譽匪是物之有恒吾何恃而歸歟於

是舉酒屬客客亦大噱岳雲漸開江月將落逍遙象外俯仰磅礴居士達觀靜慧蓋將後天下而樂也

弔鸚鵡洲賦

李夢陽

承帝皇之嘉惠兮荷在陋而明揚信枯楊而再華兮懼身微而命彰歲協洽以南驚兮觸炎日之盛陽浮江漢以長邁兮過夏口之故城洲蹇產以墜墜兮劃衝江而絕流觀佳名而中惕兮弔斯人之不修我旣佩明月與寶璐何不遂凌世而高步含玉駟而不駕兮又奚暇與豺狼而爭路惟聖人之貴時兮神龍豈人得而縻彼鸞鳳之謂瑞兮固亦以其高舉而見希何先生之靈嫺兮獨不深藏而遠遊也倘取方以損員兮吾恐睿者之所尤也緊炎鼎之旣淪

今世消濁而崩改操梟視而虎噬兮祖又貪夫厥土荃縱
不甘心於厥儔兮獨不可色斯舉也嶢嶢者將必缺兮余
固知譬之不與也矯吾權以淹畱兮情暫望而憎傷靈恍
恍而如見兮聆湍瀨之浪浪山壘壘以來合兮孤墳鬱而
嵒嵒誦英篇以沉顧兮痛翠禽之蚤戕物有以舌羈縛兮
人有以才隕身譬用機各攸當兮恨見機之不先心屈拂
以悒悒兮翳營營之不可畱沛揚楫以東進兮順武昌而
下舟迴巖岸以却視兮投哀些於斯洲

元岳太和山賦

有序

王世貞

太和山者蓋中州之脊而上帝之靈腑也其始不
甚顯一日武當山又曰紫上山又曰仙室山晉咸

和中歷陽謝允棄羅令遁茲山遂名之曰謝山
見酈氏水經注及荊州圖副記蓋是時絕頂峻不
治不得上諸所栖息者山之陞以故靡甲稱云至
宋而謂元武神實主之又避其諱改元武曰真武
而宮室繇創矣元始加帝號至明太宗文皇帝尊
之曰太嶽世宗朝復尊之曰元嶽而五嶽左次矣
歲旃蒙之大淵獻春二月吳人王世貞填綏之間
一登謁焉感其峯嶺宮闕之盛與其事而爲之賦
首在帝太始氏製陰陽剖澄凝掌別五嶽以授七十二聖
助信首而亘金天焜煌黼黻以躋九命乃眷西顧有亭亭
博山者出焉下盤陳而踰運廣銳直割乎黔界之闕嵒

崑崙橫揭壽昇嶧豁其西北引庸豁絡終華而首飲乎中原
爲嶽若八九者吞焉帥其支峯以媚帝閭惻帝之不訾敢
以測霄之圭與亥步其四藩不然請外托而季從乎崑崙
惟帝曰咈夫契有因而顯有辰時不取遽主必擇真是故
天水氏之奄宅也爲寓公若亡若存以竢元冥之時巡胡
祠殢林諱其金人水德用彰瑤宇嵒嶙我文皇篤志鴻緒
四面內蹂獨奮神武亦駕天授悅靈威之輻轄被髮立而
三光葩揭燕彈之百一俄字割其十九嗟九靈之革變黯
二儀其霽零聆火鈴之豁落駭烏旂之致黻咄元緒與率
然亦糾紛其來從旣闢教於神道竭疑功乎惟重苟神貺
之昭答何痼乎民力之侈用於是太史覲土奉常告時五

鳩鳩民將作庀材左駙馬而右中涓六傳騷以趨催襄鄧
宛洛之民蹄擊轂扈楚訾蠶午以逆上隴木駢闐而順來
于于禺禺千唱萬隨陸歟激湍冬謹聚雷乃使倕輪窮巧
獲蕃旣力分模紫宮取則宸極又似蹕翼乎九闕歷清微
而叩大赤命觚陬而佐之俾象鏘鏘之積石恍若入於函
谷歷落兮離宮之四百淨樂依稀乎東朝玉虛髣髴乎未
央紫霄桀驚乎甘泉南嶮差池乎阿房五龍窈窕乎馭娑
迎恩離龢乎鼓簧觀則復重胚始仁威攝降元和遷校之
府龍泉烝鍊之塲莫不堞嶺陞壑冠峯帶岡分背寒暑別
成陰陽潺湲澁網縕象卽裏鬱律而逕庭表寔產以直
當彩栴杓杼以戢香文槐鞞鞞而縱橫晨星熒皇乎壁鏡

雌蜺天矯乎茄梁乃復發重鰐氏之所藏使和氏選而攻之瓊瓊枝斯无瓊珎琪像帝之真理別鬚麋琥瑋瑋瑋堅瑋瑋瑋琢爲晨座躡此蜺乃籍淠鄧付區嵒合鉅鉞鼓燭鑪椎細則禹鼎之頽磨鉅則秦庭之欺徂鋸牙鑿齒燕領鼯翼之類足方良手或颺脫蜂昨而欲搏多血吻以將噬感豐融之盼蠻意嫵嫵而求退葑房寥寂櫺楸膚綴鶴蓋琴麗鸞吹流利俊鬯餘之泔淡眠歸雲之黠對此其陶然樂而跳塵世者也彝嚶方軌馳道如砥總栢周絡金椎隱吐絲蠻格磔媚不絕耳歲蕊晴舊當眸而束泮乎其殊可喜也紛彼靈囿前奏鈞天忽斷忽續從颺曼延乍顯乍忽與雲流連霓亓虹旂耿若騰騫快然精氣溢而欲舍也

蛾而况兮使我恫兮躡刻施穿弁中下繪綾峭窳而嚙趾兮上标鬻晶鼻而盪胸俯眸窳其徑庭兮仰又棧齟而不可窮前呼要眇幾若絲兮應礪快而類處甌輕陰釀而裾涅兮蒼翠撲而睫觀忽徑絕於墮堵兮使人蒐葢而精降頽珥衡截屹嶙嶙援足不謀目索息股弁五步一止左檐呈肱天門杳靄若啟尺綫破靄隼穿軋芴兆庶罷毀爭先跋躑魚貫蹀躞錄牽檣楸肱嶮臂隴肝胡膽越魑瑕二董之後錯以致警駭既爰有姬姜貴秘陽蔡姝絕螭蛾比豸要紹螭屢綦履不任芬澤微發莫不羽翮犀紕露紉練怡澀嘉殿屎盤跚勃率銀鍤以稍振扣陰壯而烏咽哀囂徹空宛潮音之迤邐悲滄懸河嚴秋霖之汨活銅虬左啟

羊角瞥至拔圻坤兩踳飲翼二游蓋飄飄其緇翮幾欲擲
乎荒之裔黃冠所廬可以假憩層樓帖石周閣無地挈莖
葩襍捷獵鱗次密載兮寒房之聚蜂獮獮兮春潮之歸蠃
神搖搖而時窺心栗栗其如鶻於是黜聰明顯精神薈沐
滌躬清齋盟心窮太和之睽辰遂底乎天柱之岑覲重樂
之宛曲與綺寮之麗淫列將吏之蘭綺若鯨攢之崇森悉
都官之赤瓦塗以曩蹄之上金芒穎注射睛不停眴赫烜
灼爍煌燁燁炫芬塹蓬勃忽似處乎濛濛潤衣踞而不羈
哀音齧至幾若闕乎邯鄲卷屋瓦其如霰度羣喧之屏寂
兮始騁望以逍遙竊忻夫塵世之判閤兮察天人之所交
玉女啓噓而一粲兮電碣礚橫亘乎巖腰霆霓驚乎百里

兮雙禮珠微撥乎銀璫夜澄澄其湛露兮冷然若初滴於
絳杓白榆躋曉於楹表兮幾欲奮翮而求巢雙丸搏娛於
早晚兮屏翳卑處而不得燒儼帝聰之呼吸兮杳旭卉其
莫昭於是俯踞三垂流覽大荒寄寓一瞬投心渺茫或翔
陽弄晴漱灑冲融煜乎若五金之在鎔而雲呈姿異態同
輝皚乎若瑤臺之刊夷白不封尖峭碧摩天晃乎若聚鏃
之辭弦晦明叅差旁午紛拏沓乎若銀海之蕩層波時隱
時現襄江一線或滅或浮夢澤一杯遠則仙掌巨靈之巖
巖峨嶺五丁之斤鑿丈人偃蹇乎青城華存尚羊乎衡岳
太室少室之歲爨中條終南之峯峩陰脉潛通外勢包絡
雖未甘乎臣僕感時趨之曦燭邇則香鑪凝靄玉燭華峙

九卿棘列三公槐植七星斗蟲五老掌雙中笏上朝玉筍
排大淋漓雙筆飛翰疊字紫蓋飄颻耆稜鎖翠天馬獅猊
而騰上霸俊鬚意而斜睨蓮峯大小以掩帶陽鶴鳴和而
鼓翅春淡冶其微篴夏沈穠其幾醉秋淨皎其初沐冬慘
淡其若睡雖摧崣兮麗億靡不環拱極而思媚獨房陵之
一岳乃嶺刺崆峒乎境外鴻煊燿之獨逮托平巖其少息
聊賈壯以負勝信足境之羣巖俯鉅壑乎萬尋白日瞽而
蒸雲圍苟獬豸其稍邇蹀躞蹀余焉恤阨薛嵒弗齧骨劣
崩醜若島矚雄若贊鑾似乍伏而蛾奮挺牙距而膚擊復
有千章叢挺黝嶺阜壠萬古不死輪困臃腫其爲蘋末之
所鼓卉歟瀏蒞增茲洶湧根槩別而弗奠類蛇跖之鱗起

卽日鹽腦而煥動僚兮慄慄兮恐栗乎其惕而左顧余踵
也爾其清泚徐傾蕭瑟泓渟遘暎不涓觸不自聲潄潄汨
汨鏦鏦錚錚乍微而商絃肉離鳴芙蓉倒插散鬢微升神
漢湧璣金沙流螢枕聽酌軟九咽爲澄其澗則青羊玉局
僊龜元鎮梅溪勝越桃源比晉靡不挿壁畱霞飛梁吐蜃
其橋則仙源仙都遇真會真天矯梯雲遙裔天津靡不長
虹飲渚圓月麗旻磐陀之石楠叟所奕削脯角飛盤擎現
跡瓊臺廻顙帝所授冊封泥散紫餘檢成璧宛委探書浮
提副墨玉牒金題雲符秘策太乙天乙日沼月澤燭龍布
涎神漢流液丹砂九轉白茅三脊璘彬雲母以資服食木
則杉檜樅檟松梓欒柏欂櫨檟檣檣機楨憶交讓呈蔭靈

壽支策梢無礙漢根不避石恣傲四候罔閱千昔結爲碩
果鮮殷酷饒襄橙鄧橘張梨房李含桃女脣火棗仙餌飴
座襲目咀瀋溢齒棚梅標瑞而蟄舌石蜜借以爲醴冰芽
之薜產自騫林顧渚慙芬鳩吮遜甘蟬翼霏甌雀舌沸鬻
篠簞菱葑編町繡邱霖霖初滋潛萌未茁穀玉含腴衣以
金苞濯江漢暴秋陽槭紫泥籍朱筐八足騰傳披星犯霜
九重涓期以奏新六宮舌羨而不敢嘗乃有庶纖土德所
芻千年之艾松齡十之荃藟蔕茵菩蒻卷施晝夢呖弗入
鼻薰禱天華秋發映山春茲百里障錦又若紫絕一醉枕
籍若馮夷施忽有哇妖因風徐來覘皖和羅含糊嚙嚙
嚙關關嬌嬌靡靡觀黃口之蠛蠓疑天樂而復非意調視

而甫紆喟駛景之難隸覲扶羸之妙藥指長饒而思采亦
何勞訪乎亶州茲實仙都之陸海固炎帝之所饒嘗而隸
首之所不盡解者也不覩夫萋繞勝鳥白鮮紫扶甘根叩
鉅茵陳茈胡南星水玉符離利如香附扁畜重樓藜蘆益
母鋌生防已夜呼葶葶天麻薈鬱地榆皆能穿距二豎櫛
殪羣魘百勞賴其禦圍五官之所儲胥未若三暴之煉鷄
格九節之辨菖陽紫莖之貴牛膝元參之字鹿腸枸杞夸
仙人之杖麥門表禹餘之糧豺獐供而濕消玉延食以生
肪淫羊之藿靈脾別呼交藤布根何首不烏此皆皇仁所
寄祇不愛輸澤瘁實空動與益俱肉翮頃以鷓鴣朱顏靄
其蒨蒨忽翛然而穢世撫萬期之須臾遂誦茂陵之言曰

海月通志 卷之三
三
唉得從安期生游轡萬乘若敝屣何況妻子哉乃集三管
之所述相與攷諸臆之由起或頌周季二尹執喜是爲第
弟厥號文始或唆兩生明長禪夫受度勃遂厥有棲壯夫
文始青牛挽函谷太上玉局顯恩見馬明吸羽騰華陰陰
長蛻骨遺丰都第彼顯則此隱豈後核而昔誣意者馬生
遺帽仲微曳裾辭令道通納節易夫田寒暑其一裘房旦
夕而長鬚庶幾其猶可指跡歟粵元元之黠秘實上臆之
蠡良功留跡隱用彰體藏暫閃尸而可卽忽希夷其難方
俶使夫人主常伯若虞初之小吏駢馳衣黃者二十餘霜
卒莫得其要領徒文繡乎土木而官室乎陵岡於戲皇哉
明哉明哉皇哉亂曰因天成人合乃神兮虛有實無衆則
愚兮靈寵光豔趣則驗兮岑牢往祀嚇來世兮當心者真
豈必茅兮彼美泚泚永無觴兮

鳳山書院賦有序

廖道南

蔡潮字巨源別號霞山爲湖廣督學寓蒲肇修鳳
山書院時道南爲諸生蔡公乃命作鳳山賦其辭
曰

霞山先生仰謙山之巉巖俯渙水之沆泮背艮岫以枕陰
面晉旭以賓陽於是乎經野隰土諏日擇吉鳩工聚材測
景平臬伐異木以爲宇拔秦茅以爲堂隆大過以爲棟建
書院於鳳岡蓋以植人紀樹天綱考法象陳典常而永垂
丕休之烈於無疆也爰有三湘公子九疑丈人馭黃鵠之

鸞輪參繡麟之雲輿抗招搖以遐征指攝提而上馳躡曉
巖而眺望肆懸河之修詞公子曰竊伏襄潛遐哉邈矣不
圖今日院斯落矣青青子衿于胥樂矣且吾聞諸蓬萊之
陽扶桑發頽迷穀揚彤檄蜚映波其屈縮枸杖搖嶼其菁
蔥廼有青陽之宮綺疏繁星藻稅宛虹安期涉咸池而洗
日羨門登暘谷而凌空崑崙之西螭淵泱潏潏淪漪豕
逐律光其中霞泰畧欵寄其截霓廼有素灝之居晶宮栖
魄璇題納曦容成據沙棠而逍遙韓衆依子桐而栖遲炎
嶠之南緬渺丹垠紆廼紫暎育隧暢薰風之籟軫巖懸火
德之躔廼有朱門之垣金支通牖玉蕤照筵祝融司祇而
開宇甸赫胥御紀而墾天田瀚海之北氣凝霜竈精結氷

峭吉良產千金之駿騶吾具五色之質廼有元景之室閨
家九關礪礪萬壁嘯父掣長鯨而揮權任公跨巨鼇而鼉
鼉先生益用鼉朋革孚豹蔚睇青陽之腫隴飫素灝之洑
渙服朱明之陸離被元景之赫奕無乃窮四荒超八極於
焉栖息爾矣乎先生曰恣遠遊者疇與近取諸身務外觀
者疇與內求諸心子言博矣盍載陳之公子又曰太昊乘
震執規司春玉衡秉信珠斗回仁蒼驪駕而協氣和飢鳥
巢而條風溫於斯之時紅藥翻階朱槿蔭庭靈運賦池艸
而冥機自觸孝緯感山櫻而雅韻攸成炎帝乘離執衡司
夏赤鸞鳴晨丹良燭夜於斯之時蘿烟裊帷松風入榭江
淹懷綺樹而興慨臯蘭傳元思秀麥而宣謠田稼少昊乘

允執矩司秋悲臺蕭瑟哀壑颺颺鵲梁迴而津橋橫蟾桂
芬而月殿幽於斯之時竹君萬箇木奴千頭左思盼翔鳳
而金颺初動潘岳咏歸燕而玉露方流顓頊乘坎執權司
冬同雲集霰寒漸凝淙日陸旋而品彙藏星紀周而象緯
從於斯之時令屬元英律應黃鐘穆王躋平圃而白雲縹
緲梁主遊兔園而素雪玲瓏先生漸儀鴻羽鼎食雉膏煦
春元而熙熙茂夏亨而陶陶廣秋利而肅肅孚冬貞而昭
昭無乃順四時周六虛於焉居諸爾矣乎先生曰善言天
者必徵諸人善言古者必準諸今子言近矣願終陳之公
子又曰粵稽有漢西雍是京嵯峨虎觀蜿蜒鳳城麒麟燾
昇而芙蓉披鵲鵲翹顙而椒蘭榮迴有承明之廬著作之

庭銅龍承宇金馬標門方朔占歲星之色象更生招太乙
之威神粵稽有晉江左載作鍾山龍蟠石城虎躍顯陽韓
炳而亘赤烏永安離奇而延朱雀迴有華林之園昇元之
閨江實浮波山葩吐萼陸機詠芳藻以敷文謝朓賦青山
而尋樂粵稽有唐起於晉陽華清毓秀興慶蜚香勤政通
天而接熊耳飛山凝碧而起鵬翔迴有結璘之樓鬱儀之
堂虬漏宵沉鈴索晝張李白摘辭而焜煌鰲掖韓休抗疏
而飛翥鸞章粵稽有宋國於汴京渾河爲池嵩岳爲城嘉
惠嘉福以延弘慶純和熙和以聯邇英乃有徽猷之製寶
謨之箴十閣叢起兩制竝名易簡承恩而御書飛白永叔
觀草而史策垂青先生節以制度願以保貞紹漢賢之高

躅步晉哲之芳塵追唐臣之逸軌播宋儒之光靈無乃兼
四代冠羣英於焉浚明爾矣乎先生曰載事者存乎史載
道者存乎經子言美矣吾何能焉九疑丈人喟然嘆曰於
乎噫嘻子知其一未知其二也夫北人見布而疑廣越人
見麝而疑毳拘乎藝也奔蜂不能化桑蠋伏雌不能伏鷄
卵泥乎類也若公子者未免馳志藝文之末而或遺其本
游情散殊之博而靡得其約也廼若先生之登茲鳳山也
其東則有豐財靈應幽蘭黠筆蕭堆仙雲雪峯丫髻河抱
石牛而掩映星河溪洞赤馬而虛涵天日其西則有鐵山
壺山蒲首瑞雲感山廬山芙蓉石門湖出二羅而澄潭瀦
蓄水趨六口而長江吐吞其南則有桃花白石月山梅岑

金紫五洪雲臺荆泉鹿洞谿衍而林陰夕合羊樓咭崛而
崖花晝妍其北則有龍翔行將鳳隱石盆雷壇天馬明水
山門北渡浮舟而汙罇懷古西尋遺堞而烏石藏靈是故
鳳凰于飛維石巖巖三峯層巒五水縈灣玉壘石筍金臺
雲磨隆岡秀起而趨翼南門平原衍夷而廻抱西關是故
其爲書院也其中則有集雲之樓崢嶸嶮峻嵒巖峭嶮
甍特起叢枿孔修若升元圃之邱爛瑤宮森貝闕朝霏入
而暮靄浮其左則有無逸之所堂曰願賢麗澤輔友齋曰
六行慎修恪守若窺瓊林之牖辨商彝測姬卣輝璧月而
燦珠斗其右則有務敏之軒堂曰文會列鼎鳴絃齋曰六
德仰高鑽堅若升石渠之筵庇廣厦履細旃羅寶典而肆

鴻篇其前則有疊翠之門靈峯矗立河流吐吞蛟騰虎變
鵠舉鳶騫若排建章之闥金支簇朱旂翻挹仙掌而迎朝
暾其後則有六峯之亭仰高游息耽幽會冥窗艸交翠野
竹搖青若入華林之園采芝秀紉蘭馨香鶴渚而廻鳬汀
是故山以鳳靈院以山名先生之建茲院設茲教也而豈
徒哉昔者鳳凰之爲世瑞也軒轅臨元扈而受圖伶倫適
嶰谷而協律高辛聆音而拊鞀少昊名官而纂曆巢於阿
閣堯命羲和以授時儀於簫韶舜察璇璣以齊政翔於紫
庭文王占景緯而游歌止於岐山召公陳卷阿而諷詠茲
蓋傳之道統納之世軌昭之人文章之物采示之賢規約
之邦紀所以淑斯文者懋矣望諸生者厚矣視唐之集賢

麗正含象光順宋之嵩陽白鹿石鼓嶽麓蓋異世而同符
焉爾矣先生聞之有睟其容有肝其衡喟然嘆曰有是哉
九疑丈人乃歌曰惟九疑兮蒲山之宗仁者壽兮靜斯同
三湘公子亦從而歌曰惟三湘兮蓴水之深智者樂兮動
斯同先生乃賡載歌曰九疑截業兮君子以崇德三湘漱
澹兮君子以廣業吾與吾徒期大同兮永貞吉

謁賈太傅祠賦

桑悅

挺長江之莽莽兮中有江曰汨羅惟靈均之往湛兮衍千
古之清波何先生之清風兮正靈均首邱之所都投雄辨
而慨弔兮若救種而烹蠶佩帶遺乎蘭蕙兮衣裳留乎芰
荷儼騷經之滿目兮邀予辭以相歛赫炎漢之方隆兮視

溺楚於一螺穩璣衡以平運兮齊日月乎羲和飛修壙而
內薄兮手排挾乎嵩嶂驅魑魍而比健兮豈脈息之微瘥
本根豐而孰孰兮亦盤翳乎條柯鬱蚩尤之枉矢兮入剪
伐而么魔倒冠履之上下兮視蟻蛭爲嗟峨僉譚譚以笑
語兮獨予淚之滂沱催黃潤以成匹兮豈欽止乎龍梭含
珪璋於巨璞兮隨岡阜之坡陀左控搏乎南威兮右撫抹
兮妖娥憐琪華之奇質兮弄光景而逶迤收馳驟而守閭
岷之易暮兮慨致鵬之非囹團圓上之汶汶兮鑄寶鑑而
爲模羌空言之際遇兮皎夜壑之鸞坡曰予又倅茲土兮
後千載而剎那遭聖明而獨詘兮何今古之同科謫人生
之窮達兮直寒暑之經過委吾身之造化兮任刀抹而香
塗紛紛世之變幻兮消長袖之傴僂予將釀沆瀣以雷醉
兮味淪陰以成舖升都嶠以長嘯兮陟委羽而高歌至息
慎而默然兮欲反觀乎太初終吾生以泮渙兮補先生之
婆娑

洪山賦

周炳靈

何山川之不淫鬻兮乃遙自蜿蜒於東郭鬱百折以盤紆
兮勢若前而復却壁或若峭復若禿兮標靈境於磊砢旣
屹嶙而岩嶙兮亦峯峩而礎礪苟潛廬之不閔兮盍鼇岫
蓮崖之相絡肇研以翠鬱兮委化工於鬼鑿雖驟來未越
乎步武兮乃鬱起已階夫丈尺方幻出之多端兮復磅礴

之如直爾其襟湖背江井別隧分曲巒平江倚伏如雲陽
臨廣術車輿殷殷陰接平疇禾黍芸芸脩林長薄松區蘚
門茫茫芊路覆以石麟圓沼碧荷方塘青菱墉塢別墅漏
景扈岑顧靈泉其若祖今又高冠之殿其末距九峯其未
遼兮忽削劣而超越右若望大別以少遜兮尚欲吞洪流
於溲蕩錯千壤以東鋪橫萬雉而西括指市廛兮間之盼
衢里兮六達若夫奈苑金田慈林惠海飛薨鱗次交疏錯
綺藻棟蕙楹葯房蘭所前軌相矜宏規大起證所高明崇
寧是以奉乃生融居茲德士晝響捷惟宵下搢笏三緣何
有四諦皆空六塵不入五蘊成陰象迹蜂歌玉路金繩源
今未涸山兮不童紺殿獅座名爲大雄龕以花映地以金

供丹堊重染坦幄四封香臺積厨烟霧濛濛龍湫之窟
以珉珎飛沙成塔聚寶爲宮鵠怖鴈廻體勢穹窿梵唄鐘
聲朝夕其中宛如鹿苑鷺嶺茲山因之而增崇乃其繹靈
蹟步廣陌扶虛竅蔭疎樾從淫徑而捫蘿攀風磴而著屐
山椒雖霄蟬其寄窳夷嶮豈棧齟而不可索則見舟車舉
川原竭樓臺縹烟霧絕探巖碑堆雲扶魏武之雄文排駁
驚萬壽隱晉士之荒碣白鶴背指而崔嵬黃鵠入目而勃
舉或閃閃而流虹或霏霏而送雨或夜舒之初停或朝暾
之半吐鳩鵲鶴鷺鳬鷺出沒遠浦麝麝麝麝獐獐後
猱呌嘯別嶼仙禽衆鳥奏迎陵之音靈苗異卉映蒼蘊之
宇逸氣吹香以不斷兮衆芽油油以徐膺登斯山也采秀

學芳於河之澍矯矯遠心以今以古權響灘聲牧歌社鼓
細風環之冲融兮寄勝概於颿縷乃若春光明媚繡林如
縑或攜士女或集文雅或脩上冢或騁遊冶莫不遵青陸
驚芳甸而憩乎其下履綦雜遝流連杯竿歌管聲聞喧天
鬻野間一蹶浮屠凌翠巘陟上方頰方夏彼塵市之淳溶
何域戀之難捨亦有貴遊仕客青衿學子或經途而停蓋
或窮年而隱几匪林巒之靈異孰盤桓而戾止又奚問夫
北海故宅頭陀遺址懷西柳之必識兮悼南樓之已圯又
有淹客陳人清期爽旦淪茗消渴落紙飛翰懷蘆葦之在
顧美青蒼之入翫於是殫枯腸引素腕錦瓊瑤青玉案弔
靈娥於禹山詠逸妃於廣漢大音和以樂兮小音浮以縵
色若助以躍如今光泐泐兮其未亂又奚必申芋子之荒
淫兮鼓湘纍之哀怨亂曰溫液點翠兮蕭以颿勢欲飛起
兮凌天闔前者雙阜兮還相夾纒以智鼓兮曰韞韞湖鏡
江練兮靡不納雉城拂肘兮市聲襍上腴開兮善氣集山
靈闕兮古所合倚杖歌之山響答

皇清

黃鶴樓賦

胡夢發

井絡含精雲漢流英縈三楚之都會表鄂渚之豐城聳
天地之奇峭峙夾岸之隈峻爾乃當山之首面漢之陽
鏤崇岡而繕堞冠隆阜而高驤羽客曾經稅其雲馭高
人則又接夫虹裳惟詭異紛其可悅故列真從而徜徉

或探橘懷中或落梅城畔或結棗如瓜或擲桃若散或
石鏡留書或異香不散日至月遊風臻霧渙極嗟峨以
上銳宇紆紆而閃施擢蓮臺與仙掌象華蓋之威蕤游
芬且其龍矯浮棟宛以虹綏侏儒踰若而拱負蚶蜃蟠
結而樑栖杙愚被綺而交帶藻井垂葩而倒披額兔摩
輪於鎖闥翔鳥拂羽於璇題枿檻疊檣桷截業修椽
曲投鄰比密接盤虛駕迴繁芒亂澤雕栴文楹動卽回
惑躡蹊黃羽盈壁繪列豈伊氍毹招之可得躡層梯以
百天捫危欄而上征行周流於複道啟朱鳥之牕扇負
重檐乎櫺外中寥廓而輪囷逼中天之麗彩來萬里之
空青疏八風以洞達勢隨搖而匪寧於是萬井烟生九

衢塵驚金羊入市刀龜作布居比蠡聯行同螳顧一往
一來孰知其故國門蕩蕩目無遺遘渺衆山其已畢彼
坡陀焉足數可以推大別賊晴川凌八極軼三山盪心
胸生羽翰御風行冷然善釋人寰之顛顚挹灝氣而孤
騫若夫江流浩浩終古不息一望金沙兩辨赤壁夏浦
對崢嶸之洲白虎連鳳鳴之淑無風猶浪觸石逾激驟
江妃與水母馳川后與淵客沈冥晝晦磕磅霹靂孟婆
怒吼澎湃浮滴玉馬駿奔白鷺竦立凭檻賊射膽魄怵
慄悲賈客之顛危訝舟師之利疾固已吞雲夢於胸中
不必觀廣陵之秋汝是以樓惟三上登有千緒物與時
遷情因景會至若光風駘蕩杜若蘭薰芳洲草綠不爲

王孫嗟爾生之才調意何有乎衆賓詎倜儻之致咎擅
一賦而流聲衣沽鸚鵡路指鳳凰江山清壯臺觀琳瑯
霞景滅沒於丹楯雲物蒙繞於華璫憑高極遠載陰載
陽斜輝鴉背而低度餘烟木末而悠颺汰蟻蠓之游氛
希鸞鵠之騁翔及夫璧月流天金波滉砌瑤星逾邇銀
河乍溢半空飄鈴鐸之聲隔浦嚮漁舟之笛將神曠乎
塵外抑事符於天際足使仲宣罷登岳陽辭記寂瑤臺
之笙鶴咽秦樓之鳳吹於斯時也墨妙筆精之士吳吟
郢調之徒懷紫霞之逸志侶白雲以遨遊方乘興而勝
賞遂遠目以銷憂攜雅朋而酌醴攬勝概而揚謳始淋
漓於四壁終較轆夫千秋繫青蓮之閣筆何崔顥之難

儔雄氣畢廣心裁幽逕邈翠微來金容禮紫闕開黃梁
吹而欲寤玉笛杳而還猜瞻遺像之髣髴聞步虛乎墀
諸庶其旦暮遇之而曰棄妻子如敝屣哉是故望之若
雲垂仰之如霞起熊光耀紛不可理罔象懾而潛形
竒相讐而順軌洵憑壙之鉅鎮扼江漢而爲紀張楚國
之雄風扇諸侯之盛美蓋三湘七澤之稱首而五方名
勝之觀止也

南嶽望

幸賦

易宗浩

維衡嶽之竒挺高直指於蒼穹托炎方以正基蔭軫宿
以曜峯結根彌於恒華峻極齊乎岱崧有虞巡而昭五

月夏后祀而翼兩龍况我

鑾輿之戾止能無肆覲而崇封維

皇帝陛下之御曆也

天鏡高懸

乾綱獨挈既咸五而登三乃參兩而得一

建極則同德陰陽

重光則合明日月闔

澤覃敷湛

恩洋溢南北之車書混同東西之候尉一秩四裔躋足以

抗稜百蠻蛾伏而奉職飛頭飲鼻之流鳥弋黃皮之國

驗海水以來王識天風而順則二靈之流上獵諸福之

物畢出是以三無備德於

南面萬有拱極於

北辰舉以禮兮動以義神之智兮天之仁出乎震兮見乎

離延羣神兮釐八靈鬼神之望永塞山川之位以寧爾

乃無爲而庶物康垂拱而天下貞棲堯襟之十景環舜

抱於四瀛求言揭僇訊之鼓觀賢有告善之旌屢下捐

租之勅時隆養老之文漢室之禮儀重肅唐典之曆象

彌精著作之庭克班馬屏翰之位列甫申此

聖人之文德也至夫親兵百萬介冑千億虎頭燕領金腰

火額運以陰符握以

神策事先勝而後制師有臨而必克奔星震霆機駭螭軼

掃大逆於滇南淨妖氛於絕域此

聖人之武功也若乃建

廟所以明孝祀事所以本仁山節藻稅達鄉刮楹潔歲豆與
時遵列夏簋與殷餽禮儀雖肅粢盛慤芬奏文始之舞
歌肆夏之音是以純嘏錫於蒸衍景福介於孔明神光
曜燭尺牘瑩金此

聖人之致孝也至於肆類乎天神禋祀乎地祇命宗伯而
攝獻撰良辰而戒期揚

翠葆載

靈旂集禮神之囿歌頌祇之詩燎薰昆上配黎四施三牲
八簋以相洽五齊七獻而宗祈神旭卉而厥對靈招搖
而徠依醴泉涌發甘露紛披景星慶雲挾麗藻於倚蓋
黃雉紫脫奏仙籟於中畿此

聖人之體

天地也若夫

王者受命必柴望以埋沉禮榮光而彰

盛治應休氣以告功成故黃帝之禋周於四極虞廷之祀
徧於羣神封禪始於泰岱巡狩先於孟春况南嶽爲羣
山之首南方爲當陽之庭位則鶉尾在祀帝則祝融居
臨時則司乎夏政方則崇乎丙丁星則占於熒惑候則
應乎鳥衡在色爲赤赤爲五色之正在行爲火火爲五
行之明生味爲苦苦爲五味之炎在音爲徵徵爲五音

之清且在封爲離離者明也

聖人向明而治

南面而聽四方麗則天下化成固允協乎我

皇之明德符盛事而南

巡豈獨岱宗之宜有封禪於七十有二君哉况夫

聖人作而萬物覩四表光而羣瑞至白狼黃魚以效靈黑

狐赤鳥而媲美三頭九尾之物一莖雙穗之米翠筵朱

萸聳於上序丹書碧篆煥於洛水倣儻窮變不可勝紀

靈符美瑞之駢臻應天順人之所啟雖有唐虞大夏成

周之隆何以侈此肆觀登封之盛舉舍

斯世而誰是雖有謙光不可得已故能永協神道崇茲靈

嶽揆

奎藻之輝煌煥

天章之烜燦更加惠於崇基

命維新其制作再則練時日度費務鳩百工而襄事輯三

農之暇豫立祕殿於炎方備

皇圖之制度則有龔鬼高靈蠓蠓飛宇赫燁燁而燭坤豐

耽耽而列廡鬱垓比以鴻紛隆崛岉以雲舉漱我業之

罔識羌眩睢而莫數永福祉以載寧扶神靈於萬古者

下

繪音垂

天語將

巡狩於衡山用

蹕蹕於南楚神人共挹其休光山川同望乎碩俎降清壇
兮瞻靄威炎燁兮延佇希

聖顏之下矚企

恩波之南注於是發

玉輦動

金根前驅魚麗屬車麟麟太僕秉轡常伯陪軒掌舍設柅
野廬清源列缺下而吐火雨師於焉駿奔蚩尤竝轂而

警

蹕蒙公先驅而騃轅千騎雷起萬乘雲屯截虹霓以爲纆
兮捎青雲以爲紛昭華覆之威威兮邛邛旂旄於高吳

齊總總以樽樽其相柴虎兮被陵緣坂而列陳陟峭嶸
而忽夷履重險而逾平崇烟霞之竦秀增峒嶮之崢嶸

天子乃冠

毳冕襲

鳳裘牲以大牢薦以香羞捧赤璋而咸事藉白茅以闡幽
陳纁幣之璀璨酌陶匏之觶醪奏蕤賓舞大夏升血而
祭於朱陵之邱信神人之契合來禋祀而懷柔協八荒
兮醇沐鬯光千世兮麗

鴻猷將見啟金簡於夏后煌寶印於神農刻璧遊河唐堯
同茂披圖拜洛虞帝重逢異望仙於昆圃倅訪道於崆
峒於是得賢臣於後車之載勤藉田於郊祀之間成王

之蒐由是問成湯之田有以觀晒秦皇之逸豫陋漢帝
之遊盤游休豫助兮謹侯度黃童白叟兮覲

天顏於胥德兮豐茂世民於變兮萬國歡於是廻
乘輿返

法從望嵩呼兮探恒壁循西祀兮畢東封至矣弘
大業之隆休哉祇符命之重竊忝草茅之臣敬獻
登封之頌頌曰維南有嶽不騫不崩聿懷厥德望
君之臨般般騶虞濯濯碩麟厥之有章天瑞之徵我
皇廻眷勗勤南
巡爰柴秩望郊禋用親萬世斯麗四海以淳
一人有慶康此兆民

古辭曲

周

履霜操

尹伯奇

朝履霜兮採晨寒考不明其心兮信讒言孤恩離別兮摧
肺肝何事皇天兮遭斯愆痛歿不同兮思有偏誰說故兮
如此冤

子文歌

子文之族犯國法程廷理釋之子文弗聽恤氓顧怨萌方
正平

晉

荆江歌

夏侯湛

悠悠兮遠征條條兮暨南荆南荆兮臨長江臨河兮討不
庭江水兮皓皓長流兮萬里洪浪兮雲轉陽侯兮奔起驚
翼兮垂天鯨魚兮岳峙薜蘿紛兮被臯陸修竹鬱兮翳崖
趾望江之南兮邀目桂林桂竹蓊蔚兮鵲鷄揚音凌波兮
齊舟楫不興兮江水深况嗟迴盼兮於北夏何歸軫之
難

襄陽兒童歌

山公出何許往至高陽池日夕倒載歸酩酊無所之時時
能騎馬倒着白接離舉鞭向葛疆何如并州兒

南北朝

估客樂曲

梁武帝

昔遊樊襄後假楫梅花渚感昔念往事意滿情不敘有信
數寄書無信常相憶莫作瓠落井一去無消息

白銅鞮歌

梁武帝

陌頭征人去閨中女下機含情不能言送別沾羅衣

唐

襄陽曲

李白

峴山臨漢江水綠沙如雪上有墮淚碑青苔久磨滅

和漁父詞

張志和

西塞山前白鷺飛桃花流水鱖魚肥青箬笠綠簑衣斜風
細雨不須歸

又

青草湖中月色圓洞庭漁父棹頭連車子釣極頭船樂在
風波不用仙

宋

黃泥坂

蘇軾

出臨臯而東驚兮竝藜祠而北轉走雪堂之坡陀兮歷黃
泥之長坂大江洶以左繚兮激雲濤之舒卷草木層累而
右附兮蔚柯邱之蔥蒨余旦往而夕還兮步徙倚而盤桓
雖信美不可居兮苟娛余於一盼余幼好此奇服兮襲前
人之詭幻老更變而自晒兮悟驚俗之來患釋寶璐而被
繒絮兮雜市人而無辨路悠悠其莫往來兮守一席而窮
年時游步而遠覽兮路窮盡而旋反朝嬉黃泥之白雲兮

入宿雪堂之青煙喜魚鳥之莫余驚兮幸樵蕚之我媿初
被酒以行歌兮忽放杖而醉偃草爲茵而塊爲枕兮穆華
堂之清宴露之濕衣兮升素月之團圓感父老之呼
覺兮恐牛羊之予踐於是蹶然而起起而歌日月明兮星
稀迎余往兮餞余歸歲旣晏兮草木腓歸來歸來兮黃泥
不可以久嬉

濂溪辭

黃庭堅

溪毛秀兮水清可飯羹兮濯纓不漁民利兮又何有於名
絃琴兮觴酒寫溪聲兮延五老以爲壽蟬蛻塵埃兮玉雪
自清聽潺湲兮鑒澄明激貪兮敦薄非青蘋白鷗兮誰與
同樂津有舟兮池有蓮勝日兮與客就閒人聞挈音兮不

知何處擎高荷以爲蓋兮倚芙蓉以當妓霜清水冷兮丹
着平沙八方洞宇兮雲月爲家懷連城兮佩明月魚鳥親
人兮野老同社而爭席白雲蒙頭兮與南山爲伍非夫人
攘臂兮誰予敢侮

明

襄陽歌

薛瑄

持節過樊城南度漢江曲遠自蟠冢來遙望真如鴨頭綠
江干樓堞何崢嶸壯哉快觀襄陽城少年常思一遊覽今
朝始遂來經行經行處處多遺跡目蒼然悲思集後人
遊似前人遊古人憶似今人憶鬱鬱峴山翠遙遙鹿門深
殘碑人墮羊公淚隱居誰識龐公龐公一去已千古尚

有清風灑寰宇茂林烏宿魚潛淵區區劉表焉得取南城
習家池池水清漣漪當日山公酩酊醉風流未許他人知
更尋王粲宅甯井峴山麓銅瓶無復汲深寒蔓草空餘復
幽綠悠悠往事難具陳高名浩想隆中人出師二表鬼神
泣圖成八陣風雨頻乃知襄城士風好由來英達何草草
漢水東流峴首高祇應配此名不了

襄陽浣婦行

李夢陽

彼誰者姬無家浣衣新寡寒賤鬢髮霜飛體無完衣十日
九饑態度則殊辯是知非姬立答言妾襄宮女少小入宮
荷主憐顧四十始出嫁爲民婦灌田采薪奄就貧窶舞裳
綻汚形容改故夫死男孺藜藿靡救姬咽復言侍襄及獻

幾三十年王有義辭皇嘉特宣父子俱覲妃嬪如烟鈿第
載路龍旂飄翩御史絡繹珍車班班漢峴同清天歌播焉
袞烏南還層城言言鳥春日妍桂宮有延傑臣觴壽玉娥
奉筵王旣捐世變來罔度聞見駭異古殿寂寞嫗勿更言
萬類咸爾厥亦天道安之則已

鸚鵡曲

李東陽

大兒孔文舉小兒楊德祖餘子碌碌不足數著岑牟前擊
鼓禰生狂呼老瞞沮我辱衡衡辱我我欲殺之猶雀鼠一
投荆再送楚黃鵠磯頭賦鸚鵡鸚鵡才多爲舌誤舉世何
人不相妬生莫逢仇主簿

哀江南辭

魏晉封

歲在協洽律中應鐘魏子弔乎鄂渚水咽林號風
酸霧苦晝見宵燐人聞鬼語餘息百一游魂什伍
黯然疚懷泣其寢處乃作哀江南之辭辭曰

嗚呼悲夫白星次野黑雲壓城湖沸魚沕山裂鳥驚心懷
折旗膽落飛弼劍焉其光半已敗者之鼓無聲骨相屬而
藉猥血各染以啼猩濁流旣投兮魚鱉見腐肉不去兮烏
鳶爭爾則金虎摧頽銅駝揮斥文武道盡全灰禮部之書
仁義學成誰棟相公之櫟長史志一劍以答恩將軍斷雙
手而何惜承華檐而毀芳貞窺宮井而牽明燼寒朱顏之
冤幽笑虜辱之弗擇嗚呼悲夫楚之覲禍而斯極也方其
席熙恬履盛泰表南服雄吳會景陳同建旂之黨言聽孫

郎怒鍾之未艾詎號澤於樊襄恃長江之如帶廼其君之
疑譌俗之已敗豢豕獄繁王孫亡賴蓋天道之必讐豈人
爲之可丐是以鍾拂然而莫索企自起而闕簾巨人之頭
在淵者五疇鷄之卵僅晨而三黃鶴踐乎妖夢白雲出其
兵占者矣方今大寇鬱確官軍丁零矢一加而不敢風干
里以猶腥魂兮恍惚生者矜嫻冀翦此而後朝食或鄙辭
之動神聽豈比辛於弔古之文齊悲於思奮之銘者乎

朱衣江節婦

不嫁公姑怨不死無歸路妾死日月昏不見漢陽樹

湖廣通志卷之八十三

